

**BOSNA I HERCEGOVINA
FEDERACIJA BOSNE I
HERCEGOVINE ZENIČKO-DOBOJSKI
KANTON
JAVNA USTANOVA CENTAR ZA
SOCIJALNI RAD TEŠANJ**

Broj: 02-31.4- *594* /24.
Tešanj: 03.09.2024. godine

Na osnovu člana 152. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona, broj: 13/07 i 13/11, 03/15, 02/16, 16/22 i 8/24), člana 31. Pravila JU Centra za socijalni rad Tešanj, broj: 01-35-239/04 od 11.10.2004. godine, Odluke o izmjeni Pravila JU Centra za socijalni rad Tešanj, broj: 01-34-158/13 od 21.03.2013. godine i Odluke o usvajanju Plana prihoda i izdataka JU Centra za socijalni rad Tešanj za 2024. godinu, broj: 01-04-104/24 od 19.02.2024. godine, JU Centar za socijalni rad Tešanj, objavljuje

**JAVNI POZIV
za dodjelu finansijske podrške redovnim učenicima
srednjih škola s područja općine Tešanj u 2024. godini
za školsku 2024/2025. godinu (participaciju troškova
prevoza učenika srednjih škola)**

Član 1.

Predmet Javnog poziva je dodjela finansijske podrške redovnim učenicima srednjih škola sa područja općine Tešanj u 2024. godini, a koji su prvi put upisali razred srednje škole u školskoj 2024/2025. godinu i koji ne primaju stipendiju, kredit ili drugu novčanu podršku za školovanje od drugog davaoca.

Član 2.

U budžetskoj 2024. godini dodijelit će se novčana pomoć učenicima srednjih škola na osnovu propisanih kriterija i planiranih finansijskih sredstava u Budžetu općine Tešanj. Novčana pomoć se dodjeljuju učenicima srednjih škola u mjesečnom iznosu od 100,00 KM, odnosno 400,00 KM, a po mjesecima to obuhvata za školsku 2024/2025. godinu (septembar, oktobar, novembar i decembar 2024. godine).

Ako zbog većeg broja prijavljenih učenika koji ispunjavaju uslove iz propisanih kriterija dođe do prelaska iznosa novčanih sredstava koji je planiran budžetskom pozicijom, iznos stipendije iz ovog člana se procentualno mjenja svim učenicima do iznosa planiranog budžetskom pozicijom, a ukoliko broj prijavljenih učenika bude manji od navedenog, iznos sredstava će se procentualno povećati svim učenicima do iznosa koji je planiran budžetskom pozicijom.

Član 3.

Uslovi za dodjelu finansijske podrške učenicima srednjih škola su:

- da imaju mjesto prebivališta na području općine Tešanj,
- da imaju status redovnog učenika srednje škole u školskoj 2024/2025. godini,
- da su prvi put upisali odgovarajući razred srednje škole u školskoj 2024/2025.

- godini, za koju se dodjeljuje finansijska podrška,
- da ukupan prihod po članu domaćinstva ne prelazi 322,80 KM, odnosno 30 % od prosječne plaće u Zeničko-dobojskom kantonu,
 - da ne primaju stipendiju, kredit ili drugu novčanu nagradu za školovanje od drugog davaoca.

Član 4.

Lista dobitnika finansijske podrške za učenike srednje škole koji ispunjavaju uslove iz ovog Javnog poziva utvrđuje se na osnovu sljedećih kriterija:

1. Jedan ili više učenika koji pohađaju srednje obrazovanje iz jedne porodice,
2. Materijalni položaj porodice gdje ukupan prihod po članu domaćinstva ne prelazi 322,80 KM, odnosno 30 % od prosječne plaće u Zeničko-dobojskom kantonu ostvarene za 2023. godinu.

Član 5.

Podnosioci prijava na Javni poziv dužni su dostaviti sljedeću dokumentaciju (original ili ovjereni kopiji):

1. Prijavu na Javni poziv za dodjelu novčane podrške u školskoj 2024/2025. godini koja se može pružiti u prostorijama JU Centra za socijalni rad Tešanj, ista treba da bude popunjena i potpisana od strane roditelja/staratelja učenika, odnosno punoljetnog učenika koja sadrži:
 - Osnovne podatke o učeniku,
 - Izjavu o zajedničkom domaćinstvu (kućna lista),
 - Izjavu da učenik ne prima stipendiju, kredit ili neku drugu novčanu naknadu za školovanje za školsku 2024/2025. godinu,
 - Izjava da članovi domaćinstva nemaju prihoda po osnovu životnog osiguranja, nasljedstva i drugih dodatnih prihoda;
2. Izvod iz matične knjige rođenih za učenika (Matični ured);
3. Obrazac o mjestu prebivališta - boravišta - PBA 3 za učenika (MUP ZDK, Odjeljenje za administraciju Tešanj);
4. Uvjerenje/Potvrda da je redovan učenik školske 2024/2025. godine (obrazovna ustanova);
5. Uvjerenje/Potvrda da je učenik prvi puta upisao školsku 2024/2025. godinu (obrazovna ustanova);
6. Dokazi o zaposlenju i visini primanja članova domaćinstva:
 - Plaća - posljednje tri platne liste za sve zaposlene članove domaćinstva sa kućne liste (platne liste za 06/24, 07/24, i 08/24),
 - Uvjerenje Službe za boračko - invalidsku zaštitu i opću upravu Tešanj, da li se punoljetni članovi domaćinstva vode na evidenciji kao korisnici lične ili pordične invalidnine, egzistencijalne naknade, te drugih primanja po tom osnovu,
 - Uvjerenje FZ PIO/MIO ili posljednji ček od penzije ukoliko član domaćinstva ostvaruje prihode po osnovu PIO/MIO,
 - Uvjerenje Porezne uprave na osnovu Obrasca 1053 ukoliko roditelj/staratelj ima registrovanu samostalnu djelatnost,
 - Uvjerenje JU Službe za zapošljavanje ZDK - Biro Tešanj, ukoliko je član domaćinstva nezaposlen,
 - Uvjerenje Porezne uprave o statusu nezaposlenosti ukoliko se članovi domaćinstva ne vode na evidenciji JU Službe za zapošljavanje - Biro Tešanj;

7. Ukoliko je podnosilac zahtjeva samohrani roditelj Izvod iz Matične knjige umrlih (Matični ured);
8. Presuda o rastavi bračne zajednice ukoliko se radi o učeniku čiji su roditelji razvedeni.

Ukoliko podnosilac prijave za dodjelu finansijske podrške po kriterijima ne dostavi potrebnu dokumentaciju traženu Javnim pozivom kojom se dokazuju prihodi i materijalni položaj porodice po članu užeg domaćinstva, takve prijave će se odbaciti kao nepotpune.

Član 6.

Za ispunjavanje uslova iz člana 4. Javnog poziva učenici prilažu:

1. za kriterij „**jedan ili više učenika koji pohađaju srednje obrazovanje iz jedne porodice**“:

- da imaju status redovnog učenika srednje škole u školskoj 2024/2025. godini,
- da su prvi put upisali odgovarajući razred srednje škole u školskoj 2024/2025. godini, za koju se dodjeljuje novčana podrška,
- da ne primaju stipendiju, kredit ili drugu novčanu nagradu za školovanje od drugog davaoca,
- ukoliko se radi o dvoje ili više djece, prijava se podnosi odvojeno za svako dijete.

2. za kriterij „**materijalni položaj**“:

- Potpisan Prijavni obrazac od strane roditelja/staratelja ili punoljetnog učenika u kojem su navedeni osnovni podaci o učeniku, podaci o članovima domaćinstva uz izjavu da učenik ne prima stipendiju ili neku drugu novčanu naknadu za školovanje, te da članovi domaćinstva nemaju prihoda po osnovu životnog osiguranja, nasljedstva i dodatnih prihoda (*Članom užeg prodičnog domaćinstva podrazumijeva se bračni partner, očuh, maćeha, usvojitelj, usvojenik, djeca, roditelji, braća i sestre ako sa učenikom žive u zajedničkom domaćinstvu*);
- Uvjerenje o redovnom školovanju/studiranju za sve članove porodičnog domaćinstva, navedene u prijavnom obrascu, koji se nalaze na redovnom školovanju/studiranju (ustanova visokog, srednjeg ili osnovnog obrazovanja) - original ili ovjerena kopija;
- Dokaz o zaposlenju i visini stalnih prihoda za sve punoljetne članove porodičnog domaćinstva:
 - tri posljednje platne liste ovjerene potpisom i pečatom poslodavca-original ili ovjerena kopija, ili
 - Uvjerenje FZ PIO/MIO ili posljednji ček od penzije, original ili ovjerena kopija, ili
 - za roditelje učenika koji tokom prijavljivanja na Javni poziv podnesu zahtjev za penzionisanje i time izgube status uposlenika dostavljaju zadnju platnu listu i potvrdu Zavoda PIO/MIO o predaji zahtjeva za penzionisanje – original ili ovjerena kopija, ili
 - za roditelje učenika koji tokom prijavljivanja na Javni poziv podnesu zahtjev za penzionisanje kao nezaposlene osobe dostavljaju dokaz o nezaposlenosti Službe za zapošljavanje i potvrdu Zavoda PIO/MIO o predaji zahtjeva za penzionisanje – original ili ovjerena kopija,
 - za lica koja imaju registrovanu samostalnu djelatnost Uvjerenje Porezne uprave na osnovu Obrasca 1053 - original ili ovjerena kopija,
 - Uvjerenje Službe za zapošljavanje za sve nezaposlene članove

- domaćinstva - original ili ovjerena kopija,
- Uvjerenje Porezne uprave za sve nezaposlene članove domaćinstva kao dokaz o statusu nezaposlenosti ukoliko se isti ne vode na evidenciji Službe za zapošljavanje - original ili ovjerena kopija.
- Dokaze o prihodima regulisane putem JU Centra za socijalni rad Tešanj ova ustanova će pribaviti samostalno, odnosno uvidom u službene evidencije, i to:
 - novčanoj pomoći ženi-majci porodilji koja nije u radnom odnosu,
 - naknadi po osnovu civilnih žrtava rata,
 - naknadi po osnovu lica sa invaliditetom (civilni),
 - naknad za rad hranitelja i izdržavanja hranjenika,
 - prihod po osnovu prava na stalnu novčanu pomoć,
 - prihod po osnovu dječijeg dodatka.

Za ostvarivanje finansijske podrške učenicima ukupan prihod domaćinstva ne može prelaziti po članu domaćinstva 322, 80 KM, odnosno 30 % od prosječne plaće u Zeničko-dobojskom kantonu ostvarene za 2023. godinu.

Član 7.

JU Centar za socijalni rad Tešanj zadržava pravo da u svako vrijeme poništi Javni poziv, ako procjeni da za to postoje opravdani razlozi.

Član 8.

Javni poziv ostaje otvoren 30 dana od dana objavljivanja na Web stranici JU Centar za socijalni rad Tešanj i oglasnoj tabli.

Prijava na Javni poziv sa potrebnom dokumentacijom se podnosi u zatvorenoj koverti lično ili putem pošte na adresu:

Kralja Tvrtka 10, 74260 Tešanj sa naznakom "Prijava na Javni poziv za dodjelu finansijske podrške redovnim učenicima srednjih škola u školskoj 2024/2025. godini sa područja općine Tešanj".

Obrazac prijave na Javni poziv može se preuzeti na Web stranici JU Centar za socijalni rad Tešanj, kao i u prostorijama Centra za socijalni rad u Tešnju svakim radnim danom od 07-15 sati.

Učenici uz prijavu na Javni poziv dostavljaju instrukciju banke (tekući račun učenika ili roditelja/staratelja) na osnovu koje će se izvršiti uplata novčanih sredstava, ukoliko ostvare finansijsku podršku.

Svi dokumenti koji se prilažu na Javni poziv moraju biti originali ili ovjerene fotokopije.

Dostavljena dokumentacija po Javnom pozivu se neće vraćati.

Učenici su prilikom prijave na Javni poziv obavezni koristiti obrasce koji su navedeni u Javnom pozivu i iste svojeručno popuniti i potpisati ukoliko su punoljetni, odnosno roditelj/staratelj za maloljetne podnosioc.

Neblagovremene prijave neće se uzeti u razmatranje.

Nepotpune i nepotpisane prijave biće odbačene.

Dostavljeno:

1. Oglasna tabla CSR Tešanj
2. Web stranica CSR Tešanj
3. a/a



Direktor JU CSR Tešanj

Omerbašić Sabahudin